

Playoff di Polar Ice 8-Ball 2003 ta cuminsa siman aki!!!



ORANJESTAD(AAN)—campeonato Polar Ice 8-ball 2003 a termina su competencia regular e fin di siman cu a pasa caminda cu Nevada a

gana e sorpresa di aña, esta Pool Plaza I, cu score di 6-3, y caminda diasabra anochi Pool Plaza II a clausura ganando Taxi Coffee Shop

E standing final ta como lo siguiente:

	TEAM	POINTS	WON	LOST	TOTAL	AVG
1	NEVADA	11	66	28	94	0.7021
2	POOL PLAZA 1	9	60	33	93	0.6452
3	BARRACUDA	9	62	35	97	0.6392
4	SNACK RANCH	9	58	48	106	0.5472
5	BAD DOGS	6	57	50	107	0.5327
6	TECHNICOS	6	50	50	100	0.5000
7	MAD DOGS	5	53	49	102	0.5196
8	COMMANDEURS	3	44	59	103	0.4272
9	PROGRESSIVE	3	40	55	95	0.4211
10	POOL PLAZA 2	3	42	59	101	0.4158
11	JOHNSONS	2	39	60	99	0.3939
12	TAXI	0	21	66	87	0.2414

Den landamento Rene van Nie orguyoso cu tres medaya



ORANJESTAD (AAN): Durante e campeonatonan di landamento "Aruba Masters 2003" na Piscina Olimpico na Savaneta, e conocido Rene van Nie a logra di obtene 3 medaya, esta oro, plata y brons, den e categoria di 60 aña of mas.

Rene van Nie ta miembro di e club di landamento "Orcas" di Nick Stoorvogel, cu a finaliza na segundo

lugar cu e club.


Na e competencianan di tres dia aki a participa tambe esnan di Puerto Rico y Mexico. E evento a worde bon organiza y tur landador di Orca a cay hopi baiha den premio.

Rene van Nie a declara na DIARIO, cu awor e ta bay entrena pa e Campeonato di Aruba Open na Maart 2004.

cu score di 6-3. Pues asina aki e season regular a termina y a determina cua t'e 6 team nan cu a clasifica pa bay play-off y semi final.

Na prome lugar a Sali invitato e campeon di aña 2002, Nevada Pocket Predators, kende nan ta clasifica pa semi final y lo warda cua team tin cu enfrente eynan. Di dos lugar a Sali e sorpresa grandi di 2003, esta Pool Plaza I bou guia di Jorge Petrochi, kende nan tambe a clasifica pa semi-final y lo warda cua team lo clasifica contra dje for di e playoff. Un palabra grandi di pabien pa Jorge Petrochi kende "out of nowhere" a logra produci un team cu a haci tremendo papel den nan debut, aunque cu tin rumores nan ta core cu Petrochi su "trainingstechniek" ta un tiki "unorthodox" ya cu cada hungador cu perde wega tin cu bay den "donkere kamer" y eyden ????? Wel ban lage te eynan. Pa e playoff a clasifica e siguiente team nan: #3. Barracuda Kooltemp, #4. Snack Ranch, #5. Bad Dogs, y #6. Technico's La Moderna. Sorpresa grandi tambe e aña aki ta cu e gang di cacho brabo, esta Mad Dogs, no a logra clasifica mientras cu e gang di "puppy" nan bou guia di Errel Tromp, esta Bad Dogs, aparentemente a come hopi Pedigree bruha cu Alpo y a crece bira cacho brabo, mientras cu rumor nan ta core cu e gang original di cacho brabo, Mad Dogs, nan djente nan a cuminsa cai poco poco.

E playoff lo worde hunga como lo siguiente: Team No. 3 lo enfrente team No. 6, y team No. 4 lo enfrente team No. 5, ambos playoff hunga simultaneamente ariba e mes un weekend awor den un serie di best of 3, cuminsando diabierna 21 di Nov. y terminando diadomingo 23



di November si ta necesario. Manera a ser palabra na cuminsamento di campeonato e team nan cu clasifica No. 3 y 4 lo haya bentaha di "home team". Dus e schedule pa playoff di team #3 vs.

#6 ta como lo siguiente: 21 di November na Pool Plaza lo enfrente Barracuda vs. Technico's.

22 di November na Macuarima Pool Center lo enfrente Technico's vs. Barracuda, y si ta necesario, dia 23 di November Barracuda vs. Technicos na Pool Plaza.

E wega nan entre team #4 y #5, esta Snack Ranch vs. Bad Dogs, lo worde hunga na Snack Ranch dia nan 21 y 22 di November, y si ta necesario dia 23 di November.

Despues cu ganadonan di playoff ta conosi, lot lo ser tira pa wak ken ta enfrente Nevada y ken lo enfrente Pool Plaza I, cual wega nan di kwart finale lo cuminsa dia 28 di November.

IDEFRE ta sera diahuebs mainta

ORANJESTAD(AAN)-Director Interino di IDEFRE ta informa publico en general cu Diahuebs 20 di November lo no tin servicio na oficina entre 7.30 di mainta y 12.00 di merdia pa motibo di un reunion cu per-

sonal. Despues di 1'or di merdia e servicio lo reanuda normalmente.

Gerente ta pidi disculpa pa e inconveniencia cu e situacion aki por causa.

Aruba Golf Club ta organiza "Club Champ"

ORANJESTAD(AAN)-Diasabra awor dia 22 di November pa 8.30 di mainta lo cuminsa e costumbrado "Club Champ" na Aruba Golf Club.

E torneo aki lo tin un duracion di tres siman y lo termina dia 7 di December.

Juan Maduro lo por mantene su forma y bolbe titula campeon of e lo habri caminda pa e novato Alvin Albus of su contrincantenan

Ivan Arndell, Smiley Hughes, Charles Flanders, Shine Hellmen, Mario Geerman, Nick Navas, Allen Leverbrook of por lo ultimo Tony Arrindell ?.

Esaki nos por mira dia 7 di December pa mas of menos 12.30 di merdia na unda nos lo corona e campeon di aruba Golf Club.

Bin presencia y mira pa bo mes kende ta e campeon di Aruba Golf Club.

LABCO

MEDICAL/HOME HEALTHCARE

HUUR Y VENTA DI PRODUCTIONAN MEDICO

- ROLSTOEL
- CAMA DI HOSPITAL
- PROD. PA OXIGENO
- PO-STOEL
- KRUK
- BASTON
- MACHIN CHECK SUCU

- PAPAGAAI
- DECUBITUS-PROB
- EXAM HANDSCHOEN
- PAMPERS ADULTO
- ONDER LEEGERS
- PROB. PA DIABETICO
- SACO PA ORINA

TEL: 582-6651
FERGUSONSTR. # 52 DAKOTA